

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 7/10), a u vezi sa članom 112. stav 2. Poslovnika Skupštine Zeničko-dobojskog kantona-Novi prečišćeni tekst (“Službene novine Zeničko-dobojskog kantona”, broj 7/12), razmatrajući Inicijativu Općinskog vijeća Maglaj za donošenje izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom, Vlada Zeničko-dobojskog kantona, na 162. sjednici, održanoj 30.04.2014. godine,  
d o n o s i

## ZAKLJUČAK

### I.

Prihvata se Mišljenje Ministarstva za rad, socijalnu politku i izbjeglice o Inicijativi Općinskog vijeća Općine Maglaj za donošenje izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom (“Službene novine Zeničko-dobojskog kantona”, broj 13/07 i 13/11).

### II.

Mišljenje Ministarstva za rad, socijalnu politku i izbjeglice iz tačke I. sastavni je dio ovog zaključka.

### III.

Zaključak stupa na snagu danom donošenja.

Broj: 02-\_\_\_\_\_/14.

Datum, 30.04.2014. godine

Z e n i c a

**PREMIJER**

*Munib Husejnagić, dipl. ing.maš.*

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine,

1x Općinsko vijeće Maglaj (putem Ministarstva),

1x a/a.



**ZENIČKO-DOBOJSKI KANTON**  
**VLADA**  
**n/r Premijera**  
**n/r Sekretara**

Broj: 09-02-6245-1/14  
Zenica, 18.04.2014. godine

**PREDMET: Mišljenje na Zaključak Općinskog vijeće Maglaj, d o s t a v l j a s e**

Općinsko vijeće Maglaj je na sjednici održanoj 20.03.2014. godine donijelo Zaključak kojim je podržana Inicijativa za izmjenom i dopunom Zakona o socijalnoj zaštiti, zaštiti civilnih žrtava rata i zaštiti porodice sa djecom ("Sl. novine Zeničko-dobojskog kantona", broj 13/07 i 13/11 – u daljem tekstu Kantonalni zakon).

Nakon razmatranja dostavljene Inicijative, Ministarstvo za rad, socijalnu politiku i izbjeglice daje sljedeće:

**M i š l j e n j e**

Tačkom 11. Prijedloga upućena je inicijativa Vladi Zeničko-dobojskog kantona za dopunu i izmjenom Kantonalnog zakona i to člana 63. tačka f) i člana 112. stav (1), a u cilju otklanjanja arhitektonskih barijera, te obezbjeđivanja i prilagođavanja stambenog prostora i prilaza invalidnim licima.

Kantonalnim zakonom i to članom 63. propisano je sljedeće:

„Zadacima socijalnog rada, u smislu ovog zakona, smatraju se:

- a) istraživanje socijalnih problema i pojava;
- b) planiranje širih i sveobuhvatnih mjera;
- c) iniciranje programa mjera za pojedine akcije;
- d) razvijanje preventivnog rada u cilju smanjenja potreba za pružanjem neposredne pomoći;
- e) koordinacija i saradnja u rješavanju socijalnih problema;
- f) pružanje pomoći grupama i pojedincima, kada nisu u stanju da sami riješe svoje probleme.“

Dakle, Kantonalnim zakonom je utvrđeno da je jedan od zadataka socijalnog rada pružanje pomoći grupama i pojedincima kada nisu u stanju da sami riješe svoje probleme. Uvažavanjem Inicijative na način da se član 63. stav (1) pod f) dopuni riječima „i invalidnih lica“, dovela bi do favoriziranja jedne od ranjivih kategorija građana. Također napominjemo da obzirom da se prema članu 152. stav (1) pod c) Zakona navedena usluga finansira samo iz budžeta općina, za proširenjem kruga korisnika navedene usluge, potrebno je predhodno pribaviti saglasnost svih općina na području Kantona.

Kantonalnim zakonom i to članom 112. stav (1) propisano je sljedeće:

„(1) Osnovna prava porodice sa djecom su:

- a) dodatak na djecu;
- b) naknada umjesto plaće ženi-majci u radnom odnosu, za vrijeme dok odsustvuje sa posla radi trudnoće, porođaja i njege djeteta;
- c) novčana pomoć za vrijeme trudnoće i porođaja žene-majke koja nije u radnom odnosu;



- d) jednokratna pomoć za opremu novorođenog djeteta;
- e) pomoć u prehrani djeteta do šest mjeseci i dodatna ishrana za majke – dojilje;
- f) posebni psihosocijalni tretman bračnih drugova koji žele djecu i trudnica;
- g) smještaj djece uz osiguranu ishranu u ustanovama predškolskog odgoja;
- h) osiguranje jednog obroka u vrijeme nastave u školama osnovnog obrazovanja;
- i) školarine i stipendije đacima i studentima,
- j) zdravstvena zaštita za djecu od rođenja do polaska u osnovnu školu koja nisu zdravstveno osigurana kao članovi porodice osiguranika;
- k) zdravstvena zaštita za nezaposlene samohrane majke - porodilje za vrijeme trudnoće, porođaja i do uzrasta djeteta do godinu dana, ako nisu osigurani po drugom osnovu;
- l) zdravstvena zaštita za lica starija od 65. godina (muškarac), odnosno 60. godina (žena).

Dakle, članom 112. Kantonalnog zakona taksativno su nabrojana prava porodice sa djecom. Imajući u vidu da se pravo iz člana 112. stav (1) pod g) prema članu 152. stav (1) pod f) Zakona finansira samo iz budžeta općina, a da je inicijativa Općinskog vijeća Maglaj društveno korisna, u smislu poboljšanja socijalnog statusa građana, predlažemo da općina Maglaj, u skladu sa članom 72. i članom 112. stav (2) Kantonalnog zakona, svojim propisom proširi krug korisnika i prava iz socijalne zaštite utvrđenih ovim zakonom, u skladu sa programima odnosno sa planovima razvoja socijalne zaštite, specifičnim prilikama i potrebama građana općine Maglaj.

**MINISTAR**

**Ivica Ćurić**

**Dostavljeno:**

2x Naslov

1x a/a



Broj: 01/02-02-6245-1/14  
Zenica, 28.03.2014. godine

ZENIČKO-DOBOJSKI KANTON  
VLADA KANTONA  
Stručna služba Vlade  
n/r sekretara

**PREDMET:** Tri inicijative Općinskog vijeća Maglaj, (za izmjene i dopune Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare, Odluke o neposrednom učešću osiguranih lica u troškovima korištenja zdravstvene zaštite i Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom - *dostavlja se*

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13), dostavljamo Vam na mišljenje dopis Općinskog vijeća Maglaj, broj: 02-05-1-521-1/14 od 26.03.2014. godine, u prilogu kojeg se nalazi dopis istog Vijeća, broj: 01-49-401/14 od 05.03.2014. godine u kojem su sadržane 3 inicijative, odnosno inicijative za izmjene i dopune 3 kantonalna propisa i to:

1. Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare („Službene novine Zeničko-dobojskog kantona“ broj:4/05),
2. Odluke o neposrednom učešću osiguranih lica u troškovima korištenja zdravstvene zaštite („Službene novine Zeničko-dobojskog kantona“ broj:4/05),
3. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07 i 13/11)

Navedeni akti su zaprimljeni u Stručnoj službi Skupštine dana 28.03.2014. godine.

Odredbom člana 111. Poslovnika Skupštine Zeničko-dobojskog kantona, propisano je slijedeće: „Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica. općinska vijeća, kao i građani i njihova udruženja”.

Članom 112. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje. Zakonodavno-pravna komisija Skupštine i Vlada Kantona dužni su se izjasniti o inicijativi za donošenje zakona u roku od 30 dana.

Molimo Vas da nam u propisanom roku dostavite mišljenja povodom navedenih inicijativa, uz napomenu da je za svaku inicijativu potrebno dostaviti posebno mišljenje Vlade Kantona i Zakonodavno-pravne komisije jer će svaka od podnesenih inicijativa biti razmatrana kao posebna tačka dnevnog reda na sjednicama Skupštine Kantona.

S poštovanjem,

PRILOZI: Kao u dopisu


Dostavljeno:

- x Naslovu,
- x Ministarstvo za boračka pitanja,
- x Ministarstvo za rad, socijalnu politiku i izbjeglice,
- x Ministarstvo zdravstva,
- x Svim članovima Zakonodavno-pravne komisije,
- x Svim poslanicima Skupštine Kantona,
- x Općinsko vijeće Maglaj, Viteška 4, 74250 MAGLAJ, (na znanje)

x U spis predmeta-03



Bosna i Hercegovina  
Federacija Bosne i Hercegovine  
ZENIČKO-DOBOJSKI KANTON  
OPĆINA MAGLAJ  
OPĆINSKO VIJEĆE



02/28 03 / 14

Bosnia and Herzegovina  
Federation of Bosnia and Herzegovina  
ZENICA – DOBOJ CANTON  
MAGLAJ MUNICIPALITY  
MUNICIPALITY COUNCIL

Broj: 02-05-1- 521-1/14  
Maglaj, 26.03.2014.godine

SKUPŠTINA ZENIČKO-DOBOJSKI KANTON			
Prihvaćeno: 28.03.2014.			
Org. jed.	Broj	Prilog	Vijećnost
	01-02-6245		14

SKUPŠTINA ZDK  
N/r Predsjedavajućeg

PREDMET: Dostava Inicijative po zaključku OV Maglaj sa sjednice održane dana 20.03.2014. godine .-

Općinsko vijeće Maglaj na sjednici održanoj dana 20.03.2014.godine razmatrajući inicijativu teško oboljelih osoba i njihovih porodica za izmjene i dopune Zakona kao i drugih općih akata iz nadležnosti socijalne i zdravstvene zaštite i informaciju u vezi okupljanja građana od 7.02.2014.godine je donijelo zaključak da se prihvati prijedlog gore navedene inicijative i da se pokrene pitanje izmjene zakonske regulative i drugih općih akata iz nadležnosti socijalne i zdravstvene zaštite, kako bi se olakšao položaj teško oboljelih osoba, odnosno porodica koje imaju kao člana invalidnu osobu.

U tom smislu pokrećemo prijedlog za izmjenu Odluka iz nadležnosti Kantona , a odnosi se na Odluku o proširenom obimu prava na korištenje medicinsko-sanitetskih pomagala, medicinskog materijala i lijekova za RVI – paraplegičare («Službene novine ZDK», broj: 4/5) na način kako je to navedeno u inicijativi.

Također predlažemo da se izvrši veće izdvajanje sredstava iz Budžeta ZDK za pomoć ovoj kategoriji invalidnih i teško oboljelih lica.


U prilogu ovog akta dostavljamo prijedlog navedene inicijative.

S poštovanjem,



PREDSJEDAVAJUĆI OV,

Marko Zelić



Broj: 01-49- 401/14  
Maglaj, 05.03.2014. godine

## OPĆINSKO VIJEĆE MAGLAJ

**PREDMET:** Inicijativa za izmjenu zakonski odredbi o ostvarivanju prava teško oboljelih lica.-

Rješenjem Općinskog načelnika br.01-49-219/14 od dana 10.02.2014. godine imenovana je Komisija za sagledavanja stanja na terenu za najteže oboljele kategorije građana Općine Maglaj. Imenovana Komisija je u periodu od 12.02. do 24.02.2014. godine obavila posjete jednog dijela najteže oboljelih osoba i sagledala stambene, materijalne i zdravstvene prilike ovih kategorija građana općine Maglaj, te sačinila informaciju koja je prezentovana na zajedničkom sastanku predstavnika Općine, JU "Dom zdravlja" Maglaj i JU "Centar za socijalni rad" Maglaj i predstavnik grupe najteže oboljelih građana na području općine Maglaj koji je održan dana 03.03.2014. godine i podržane su inicijative za rješavanje, a to su:

### PRIJEDLOG INICIJATIVE

**za izmjene i dopune Zakona kao i drugih općih akata iz iste nadležnosti socijale i zdravstvene zaštite**

1. Obezbjedenje naknade u visini prosječnog ličnog dohotka na nivou FBiH za jednog roditelja-staratelja invalidnog lica, a koji je onemogućen zbog potrebne njege invalidnog lica da obavlja svoje redovne poslove, koji nisu definisani Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", broj: 36/99 i 39/06).
2. Obezbjedenje besplatnih lijekova kako za osnovnu tako i za dodatnu terapiju i proširenje liste ortopedskih pomagala za specijalna invalidska kolica i prilagođavanje osnovnih stambenih uvjeta invalidnoj osobi, kroz izmjenu i dopunu odluke Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare ("Službene novine Zeničko-dobojskog kantona br.4/05.") .
3. Obezbjedenje materijalno-finansijskih sredstava za prilagođavanje pristupa stambenim objektima u smislu otklanjanja arhitektonskih barijera za invalidna lica i oboljelu djecu kroz izmjene i dopune federalnog i kantonalnog Zakona o osnovama socijalne zaštite, zaštite civilnih žrtava rata i zaštite porodice s djecom.
4. Obezbjedenje patronažnog vozila za rad specijalista porodične medicine u svrhu odlazaka u kućne posjete oboljelim invalidnim licima i djeci kao i odlazaka na liječenje za socijalne kategorije koje nemaju vlastitog prijevoza i u teškoj su socio-ekonomskoj situaciji i to iz sredstava Kantonalnog ministarstva zdravstva, JU Dom zdravlje i Općine Maglaj .

Izmjene postojećih pozitivnih zakonskih propisa i drugih općih akata uraditi na slijedeći predloženi način:

Potrebno je izvršiti izmjene i dopune Odluke o proširenom obimu prava na korištenje medicinsko-sanitetskih pomagala, medicinskoga materijala i lijekova za ratne vojne invalide-paraplegičare ("Službene novine Zeničko-dobojskog kantona br.4/05.") na sljedeći način:

1. U nazivu gore navedene odluke iza riječi ratne **vojne invalide dodati "ne ratne vojne invalide"**, civilne žrtve rata – paraplegičare", invalidne osobe sa neurološkim oboljenjima"(mozak, kičma i nervni sistem)i lica oboljela od teške bolesti kao što su: maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infrakt(srčani i moždani), oboljenja mišićnog sistema, paralize i druga teška oboljenja u cijeloj odluci u cijelom tekstu Odluke o proširenom obimu prava koje su sadržane i u članovima članu 3, članu 4, član 5, članu 6. i članu 8. navedene Odluke.
2. U članu 4. izmijeniti riječi Kantonalno ministarstvo zdravstva te umjesto njih dodati: **" Zavod zdravstvenog osiguranja-Poslovnica"**.
3. U članu 3. stav 4. dodati iza riječi Liste riječi: **" i van okvira"** ostali dio teksta ostaje ne promijenjen .
4. U članu 3. poglavlje V dodati riječi u naslovu i **specijalna kolica.**
5. U članu 6. Tabelarnog prikaza tačka 15 iz tabele naziv TENA (pelena za odrasle svih veličina ) zamijeniti naziv:"**SENI"** , **isti naziv promijeniti i u tački 16 i 17.**
6. U članu 8. iza stava 12 dodati novi stav 13 koji glasi:  
**"sve ostale lijekove van okvira liste propisuje doktor medicine specijalista odgovarajuće medicinske oblasti"**.  
U Odluci o neposrednom sudjelovanju osiguranih osoba u troškovima korištenja zdravstvene zaštite 8. "Službene novine Zeničko-dobojskog kantona", broj: 4/05)  
U članu 3. tačka 5 brisati riječi: **"Na mehanički pogon"** dalji dio teksta ostaje ne promijenjen.
7. U poglavlju V dodati tačku e) ne ratni invalidi i civilne žrtve rata – **sa rokom od 48 mjeseci sa posebnim osvrtom za djecu u razvoju po potrebi bez mjesečnog ograničenja.**
8. U poglavlju IV dodati član 38. novi koji glasi:
9. **"Nakon iskorištavanja i upotrebe ortopedskih i drugih pomagala koji za pacijenta nisu za dalju upotrebu po prijedlogu ovlaštenog liječnika iste vratiti u Stacionar JU Kantonalna bolnica Zenica "**
10. Naredni član 38. postaje član 39. član 39. itd.  
U Zakonu o socijalnoj zaštiti, zaštiti civilnih žrtava rata i zaštiti porodica s djecom ("Službene novine Zeničko-dobojskog kantona ", broj: 13/07 i 13/11), u članu 63. tačka f) iza riječi grupama dodati riječ: **" i invalidnim licima"** u nastavku teksta iste tačke iz riječi probleme dodati zarez i tekst: **" a naročito stambene kao i otklanjanje arhitektonskih barijera"**.
11. U članu 112. stav 1.) dodati tačku g) koja glasi: **"obezbjeđenje stambenog prostora i prilaza te prilagođavanje istih invalidnim licima u porodici ."**

## O b r a z l o ž e n j e

Nakon rada Komisije za sagledavanje stanja na terenu najteže oboljelih kategorija građana općine Maglaj formirane od strane Općinskog načelnika, rješenje broj: 01-49-219/14 od 10.02.2014. godine održani su konsultativni sastanci sa predstavnicima Općine, JU "Dom zdravlja " Maglaj, JU "Centar za socijalni rad" Maglaj i predstavnika grupe građana najteže oboljelih osoba na kojima su

jednoglasno prihvaćeni prijedlozi Komisije i odlučeno je da se ide u proceduru izmjena i dopuna Zakona o zdravstvenoj zaštiti i Zakona o socijalnoj zaštiti, zaštiti civilnih žrtava rata i zaštiti porodica s djecom kao i naprijed navedenih Odluka iz nadležnosti kantonalnih organa uprave .

Kao Načelnik Općine Maglaj predlažem da se podrži inicijativa i da se uputi u Parlamentarnu proceduru u Skupštini Zeničko-dobojskog kantona, Federalni Parlament i Fond zdravstvene zaštite, kao i svim drugim kantonalnim organima uprave u skladu sa propisanim procedurama .

S poštovanjem.

**Obrađivač:**

Rifat Skejić, dipl.pravnik



OPĆINSKI NAČELNIK  
Mehmed Mustabašić, prof.

**Dostavljeno:**

1. Naslovu,
2. Služba za BISZ, opću upravu i društvene djelatnosti,
3. Arhiva.